

樂府詩集

冊
三

聖賢詩集

卷一

樂府詩集卷第六十三

太原

郭茂倩

編次

雜曲歌辭

羽林郎

辛延年

漢書曰武帝太初元年初置建章營騎後更名羽林騎屬光祿勳又取從軍死事之子孫養羽林官教以五兵號羽林孤兒顏師古曰羽林宿衛之官言其如羽之疾如林之多一說羽所以爲主者羽翼也後漢書百官志曰羽林郎掌宿衛侍從常選漢陽隴西安定北地上郡西河六郡良家補之地里志曰漢興六郡良家子選給羽林是也又有胡姬年十五亦出於此

昔有鬟家姝姓馮名子都依倚將軍勢調笑酒家胡胡姬年十五春日獨當爐長裾連理帶廣袖合歡襦頭上藍田玉耳後大秦珠兩霍

何窈窕一世良所無一鬟五百萬兩鬟千萬餘不意金吾子娉婷過
我廬銀鞍何煜燦翠蓋空踟躕就我求清酒絲繩提玉壺就我求珍
肴金盤鱸鯉魚貽我青銅鏡結我紅羅裾不惜紅羅裂何論輕賤軀
男兒愛後婦女子重前夫人生有新故貴賤不相踰多謝金吾子私
愛徒區區

羽林行

王建

長安惡少出名字樓下劫商樓上醉天明下直明光宮散入五陵松
柏中百回殺人身合死赦書尚有收城功九衢一日消息定鄉吏籍
中重改姓出來依舊屬羽林立在殿前射飛禽

同前

孟郊

朔雪寒斷指朔風勁裂冰胡中射鵬者此日猶不能翩翩羽林兒錦
臂飛蒼鷹揮鞭決白馬走出黃河凌

同前

鮑溶

朝出羽林宮入參雲臺議獨請萬里行不奏和親事君王重年少深
納開邊利寶馬雕玉鞍一朝從萬騎煌煌都門外祖帳光七貴歌鍾
樂行軍雲物慘別地簫笳整部曲幢蓋動郊次臨風親戚懷滿袖兒
女淚行行復何贈長劍報恩字

胡姬年十五

劉琨

虹梁照曉日淥水泛香蓮如何十五少含笑酒壚前花將面自許人
共影相憐回頭堪百萬價重爲時年

當壚曲

梁簡文帝

漢書曰司馬相如與卓文君俱之臨邛盡賣車騎買酒
舍乃令文君當壚相如身自著犢鼻褌與庸保雜作滌
器於市中郭璞曰盧酒盧也顏師古曰賣酒之處累土
爲盧以居酒甕四邊隆起其一面高形如鍛盧故名盧
當壚曲蓋取此也

十五正團團流光滿上蘭當壚設夜酒宿客解金鞍迎來挾琴易送別唱歌難欲知心恨急翻令衣帶寬

同前

范靜妻沈氏

逶迤飛塵唱宛轉遶梁聲調弦可以進蛾眉畫未成

齊瑟行

歌錄曰名都美女白馬並齊瑟行也曹植名都篇曰名都多妖女美女篇曰美女妖且閒白馬篇曰白馬飾金羈皆以首句名篇猶豔歌羅敷行有日出東南隅篇豫章行有鴛鴦篇是也

名都篇

曹植

名都者邯鄲臨淄之類也以刺時人騎射之妙游騁之樂而無憂國之心也

名都多妖女京洛出少年寶劍直千金被服光

一作麗

且鮮鬬雞東郊

長安一作道走馬長楸間馳驅未能半雙兔過我前攬弓捷鳴鏑長驅上

南山一作驅上左挽因右發一縱兩禽連餘巧一作功未及展仰手接

飛鳶觀者咸稱善衆工歸我妍歸來宴平樂美酒斗十千膾鯨膾胎
鰕炮鼈炙熊蹯鳴傳嘯匹旅列坐竟長筵連翩擊鞠壤巧捷惟萬端
白日西南馳光景不可攀雲散還城邑清晨復來還

美女篇

曹植

美女者以喻君子言君子有美行願得明君而事之若不遇時雖見徵求終不屈也

美女妖且閑采桑歧路間柔條紛冉冉葉落何翩翩攘袖見素手皓
腕約金環頭上三一作金爵釵腰佩翠琅玕明珠交玉體珊瑚間木難

羅衣何飄飄輕裾隨風還顧眄遺光采長嘯氣若蘭行徒用息駕休
者以忘餐借問女何居乃在城南端青樓臨大路高門結重關容華
耀朝日誰不希令顏媒氏何所營玉帛不時安佳人慕高義求賢良

獨難衆人徒嗷嗷安知彼所觀盛年處房室中夜起長歎

同前

傅玄

美人一何麗顏若芙蓉花一顧亂人國再顧亂人家未亂猶可奈何

同前

梁簡文帝

佳麗盡關情風流最有名約黃能效月裁金巧作星粉光勝玉靚衫
薄擬蟬輕密態隨流臉嬌歌逐軟聲朱顏半已醉微笑隱香屏

同前

蕭子顯

章丹慙輟舞巴姬請罷弦佳人淇水出豔趙復傾燕繁穠既爲李照
水亦成蓮朝酤成都酒暝數河間錢餘光幸未借蘭膏空自煎

同前二首

魏收

楚襄遊夢去陳思朝洛歸參差結旌旆掩靄頓驂駢變化看臺曲駭
散屬川沂仍令賦神女俄聞要宓妃照梁何足豔昇霞反奮飛可言
不可見言是復言非□□□□□我帝更朝衣擅寵無論賤入憂不

嫌微智瓊非俗物羅敷本自稀居然陋西子定可比南威新吳何爲
誤舊鄭果難依甘言誠易汙得失定因機無憎藥英妬心賞易侵違
同前
盧思道
京洛多妖豔餘香愛物華恆臨鄧渠水共採鄴園花時搖五明扇聊
駐七香車情疎看笑淺嬌深眄欲斜微津染長黛新溜溼輕紗莫言
人未解隨君獨問家

白馬篇

曹植

白馬者見乘白馬而爲此曲言人當立功立事盡力爲
國不可念私也樂府解題曰鮑照云白馬騂角弓沈約
云白馬紫金鞍皆言邊塞征戰之事

白馬飾金羈連翩西北馳借問誰家子幽并遊俠兒少小去鄉邑揚
聲一作名沙漠垂宿昔秉良弓楛矢何參差控弦破左的右發摧月支

仰手接飛猱俯身散馬蹄狡捷過猿猴勇剽若豹螭邊城多警急胡

虜一作虜騎數遷移羽檄從北來厲馬登高堤右驅蹈匈奴左顧陵鮮卑

寄身鋒刃端性命安可懷父母且不顧何言子與妻名編一作在壯士

籍一作高名不得中顧私捐軀赴國難視死忽如一作若歸

同前

袁淑

劍騎何翩翩長安五陵間秦地天下樞八方湊才賢荆魏多壯士宛
洛富少年意氣深自負肯事郡邑權籍籍關外來車徒傾國鄺五侯
競書幣羣公亟爲言義分明於霜信行直如弦交歡池陽下留宴汾
陰西一朝許人諾何能坐相捐影節去函谷投珮出甘泉嗟此務遠
圖心爲四海懸但營身意遂豈校耳目目前俠烈良有聞古來共知然

同前

鮑照

白馬駢角弓鳴鞭乘北風要途問邊急雜虜入雲中閉壁自往夏清

野逐還冬僑裝多闕絕旅服少裁縫埋身守漢境一作沉命對胡封

薄莫塞一作雪雲起飛沙被遠松含悲望兩都楚歌登四墉丈夫設計

誤懷恨逐邊戎棄一作罷別中國愛要冀胡馬功去來今何道單賤生
所鐘但令塞上兒知我獨爲雄

同前二首

孔稚圭

驥子跼且鳴鐵陣與雲平漢家嫖姚將馳突匈奴庭少年鬪猛氣怒
髮爲君征雄戟摩白日長劍斷流星早出飛狐塞晚泊樓煩城虜騎
四山合胡塵千里驚嘶笳振地響吹角沸天聲左碎呼韓陣右破休
屠兵橫行絕漠表飲馬瀚海清一作汙隴樹枯無色沙草不常青勒石
燕然道凱歸長安亭縣官知我健四海誰不傾但使彊胡滅何須甲
第成當令丈夫志獨爲上古英

白馬金貝裝橫行遼水傍問是誰家子宿衛羽林郎文犀六屬鎧寶
劍七星光山虛弓響徹地迴角聲長宛河推勇氣隴蜀擅威彊輪臺
受降虜高闕翦名王射熊入飛觀校獵下長楊英名欺衛霍智策蔑
平良島夷時失禮卉服犯邊疆微兵離薊北輕騎出漁陽集軍隨日

暈挑戰逐星芒陣移龍勢動營開虎翼張衝冠入死地攘臂越金湯
塵飛戰鼓急風交征旆揚轉鬪平華地追奔掃帶方本持身許國況
復武功彰會令千載後流譽滿旂常

同前

沈約

白馬紫金鞍停鑣過上蘭寄言狹斜子詎知隴道難赤坂途三折龍
堆路九盤冰生肌裏冷風起骨中寒功名志所急日莫不遑餐長驅
入右地輕舉出樓蘭直去已垂涕寧可望長安匪期定遠封無羨輕
車官唯見恩義重豈覺衣裳單本持驅命答幸遇身名完

同前

王僧儒

千里生冀北玉韉黃金勒散蹄去無已搖頭意相得豪氣發西山雄
風擅東國飛輅出秦隴長驅繞岷嶰承謨若有神稟算良不惑澌汨
河水黃參差嶂雲黑安能對兒女垂帷弄毫墨兼弱不稱雄後得方
爲特主恩亦何已君恩良未塞不許跨天山何由報皇德

同前

徐悱

研蹄飾鏤鞍飛轡度河干少年本上郡遨遊入露寒劍琢荆山玉彈
把隋珠丸聞有邊烽急飛候至長安然諾竊自許捐軀諒不難占兵
出細柳轉戰向樓蘭雄名盛李霍壯氣勇彭韓能令石飲羽復使髮
衝冠要功非汗馬報効乃鋒端日沒塞雲起風悲胡地寒西征馘小
月北去腦烏丸歸報明天子燕然石復刊

同前

王 冑

白馬黃金鞍蹀躞柳城前問此何鄉客長安惡少年結髮從戎事馳
名振朔邊良弓控繁弱利劍揮龍泉披林扼彫虎仰手接飛鳶前年
破沙漠昔歲取祁連折衝摧右校擐旗殪左賢虎彌還謝力慶忌本
推儼海外平遐險來庭識負塞三韓勞薄伐六事指幽燕良家選河
右猛將征西山浮雲屯羽騎蔽日引長旂自矜有餘勇應募忽爭先
王師已得僞夷首失求全鼓行徇玉檢乘勝蕩朝鮮志勇期功立寧

憚微軀捐不羨山河賞唯希竹素傳

同前

辛得源

任俠重芳辰相從競逐春金羈絡赭汗紫縷應一作紫陌映紅塵紅塵寶劍

提一作橫三尺雕弓韜六鈞鳴珂蹀細柳飛蓋出宜春遙見浮光一作雲

發懸知上頭人

同前

李白

龍馬花雪毛金鞍五陵豪秋霜切玉劍落日明珠袍鬪雞事萬乘軒

蓋一何高弓摧宜山虎手接太山猱酒後競風彩三杯弄寶刀殺人

如翦草劇孟同遊邀發憤去函谷從軍向臨洮叱咤萬戰場一作經百戰

匈奴盡波濤歸來使酒氣未肯拜蕭曹羞入原憲室荒徑隱蓬蒿

苦思行

曹植

綠蘿緣玉樹光曜粲相暉下有兩真人舉翅飈高飛我心何踴躍思

欲攀雲追鬱鬱西嶽顛石室青蔥與天連中有耆年一隱士鬚髮皆

皓然策杖從吾遊教我忘言

升天行二首

曹植

樂府解題曰升天行曹植云日月何時留鮑照云家世宅關輔曹植又有上仙錄與神遊五遊龍欲升天等篇皆傷人世不永俗情險艱當求神仙翱翔六合之外與飛龍仙人遠遊篇前緩聲歌同意按龍欲升天卽當牆欲高行也

乘蹻追術士遠之蓬萊山靈液飛素波蘭桂上參天玄豹遊其下翔鷗戲其顛乘風忽登舉彷彿一作見衆仙扶桑之所出乃在朝陽谿中心陵蒼昊布葉蓋天涯日出登東轅既夕沒西枝願得紆陽轡迴日使東馳

同前

鮑照

家世宅關輔勝帶官王城備聞十帝事委曲兩都情倦見物興衰驟

覩俗屯平翩翩

一作類

迴掌恍惚似朝榮窮塗悔短計晚志愛長生

從師入遠嶽結友事仙靈五芝發金記九籥隱丹經風飡委松宿雲

臥恣天行冠霞金綵閣解玉飲

一作隱

椒庭躋遊越萬里近別數千齡

鳳臺無還駕簫管有遺聲何時

一作當

與爾曹啄腐共吞腥

同前

劉孝勝

堯攀已徒說湯捫亦妄陳欲訪青雲侶正遇丹丘人少翁俱仕漢韓

終苦入秦汾陰觀化鼎瀛洲宴羽人廣成參日月方朔問

一作

星辰

驚祠伐楚樹射藥戰江神閭闔皆曾倚太一豈難親趙簡猶聞樂周

儲固上賓秦皇多忌害元朔少寬仁終無良有以非關德不鄰

同前

盧思道

尋師得道訣輕舉厭人羣玉山候王母珠庭謁老君煎爲返魂藥刻

作長生文飛策乘流電彫軒曳白雲玄洲望不極赤野曉無垠金樓

日巖嵒玉樹曉氛氲擁琴遙可望吹笙遠詎聞不覺蜉蝣子死塋何

紛紛

同前

僧齊己

身不沉骨不重驅青鸞駕白鳳幢蓋飄飄入冷空天風瑟瑟星河動
瑤闕參差阿母家樓臺戲閉凝彤霞五三仙子乘龍車堂前碾爛蟠
桃花回頭却顧蓬山頂一點濃嵐在深井

雲中白子高行

傅玄

陵陽子來明意欲作天與仙人遊超登元氣攀日月遂造天門將上
謁覽闔闢見紫微絳闕紫宮崔嵬高殿嵯峨雙闕萬丈玉樹羅童女
掣電童男挽雷車雲漢隨天流浩浩如江河因王長公謁上皇鈞天
樂作不可詳龍仙神仙教我靈秘八風子儀與遊我祥我心何戚戚
思故鄉俯看故鄉二儀設張樂哉二儀日月運移地東南傾天西北
馳鶴五氣所補鰲四足所支齊駕飛龍驂赤螭逍遙五嶽間東西馳
長與天地並復何爲復何爲